


ANAMAXAYA

Emakhuwa


PROGRESSO





Ohiyu aahovira vaavale kharamu mmosa niwoona wi nipuro nne khana-reere oreera ni okokola olakela oteka enupa awe vaavale.


Kharamu ni amwara awe athipela mavatta....




Vaavo, opacerya ovirikaniya oteka enupa eyo, amoca yaateka othana akina yaateka nsuwa noothekuwa. Vaavo epacerya enakhuma enupa yuulupale ni yooreera saana!



Enupa noomala, nlopwana ni amwaara awe athaamela okathi wa wiiciso. Akuxa ikhaama, eyoopwe, myaapu caya ni cotheene catthunaaya...



Nsuwa noothekuwa, kharamu ni amwaara awe alakela othaamela nave enupa aya esya, ni itthu saya sootheene saatthunaaya...



Okhuma vaavo phaacuwenlaaya
ale "yaakaviherya" oteka enupa ele...
Vano yoopaka yaarowa okhala exeeni?
Enupa yaari ya atthu oweeli, nuusu ni
nuusu.




Okhala wiira enupa yaarina ika-
tthi piili, akawana ikatthi iye wakhula
ntthu ni amwaara awe. Okhala wiira
khula ntthu eetta okathi awe, khiya-
kumanasa pure vate vale.



Mpakha nihuku nimoca, Kharamu nkela akumana ni Nlopwana ni amwi: "Ninkhala enupa emosa, masi kha-ninsuwelana saana. Cani navarihana orowa oxaya hoothe meelo?".



Nlopwana omwaakhulela Kharamu okhala wiira aahoniherya opat-thani, tivo aarowasa oxaya oweeli aya. Kharamu khaakuxale etthu. Nlopwa aahikuxa "ekaruma awe yooxayana", elo yaari ekapwitthi.



Noophiya nipuro nooreera saana amoona naahe. Kharamu amuhimyee-rya nlopwana wi omaale, okhala owo ammwiiwa naahe ole.

Otthawaka, ontuphela naahe ni onvara ni omwiiwa...




Nlopwana oxankela maveyelo, waakuva ni ikuru sa Kharamu ni oopuwela: "Ola nihuku ontthunaawe ookiva ni amwaara aka, "onookiiva, masi..."



Ohoolo amoonasa naahe nkina, ni nlopwa amwi: "Vano ela ekwaha aka". Onhelaka kapwitthi vanikhatani... phulee... naahe omorela vathi ookhweene...



Kharamu onanweha ni oxankale ni onuupuwela: "Ola aatthunne okiiva hata khaaphavela otthimaka... waari woopa etthu awe ele ni phule, mi kaa-himora ookhweene ..."



Otheene saya apacerya woovana. Okathi woolya ohiyu, khiyakumana owehanasa...



Masi noorowasa okwaarutu wayasa, Nlopwana aahimeerya amwaara awe wi: "Kharamu omwaakuva, ni oveya. Nihiku nimoca ananariwa pooti oniiva ni munyeetho awe..."



Kharamu aahimeerya amwaara
awe: "Nlopwana ola khoreere woopoiha.
Nihuku nimosa ananariwa oniira phule
ni hiyo khiyakhwa..."



Oweeli aya yaamwi: "Yooreera wii-
ra va otthukanya itthu sahu sootheene
ni khiyathaama va ohiyu poola..."




Vaavo khula ntthu otthukanya itthu sawe, murima-murima, atupha vacanelani ya ekwaarutu ya khula ntthu ni khula ntthu onaatthyawela kaattiawe.



Enupa ele yuuplupale ni yooreera ehala meekhaya ehikhaliwaka. Okathi mwinceene khivira ni malaxi amelela ni annuwa.

Nihuku nimoca aahovira khole ni amwaara awe...



Oweha enupa. Yoona oreera ni anakhala vaavale. Okathi onavirale vakhaani enupa ekhala yootteeliha murima ni asareya akhole.

MUHAPO WA OPATTHANI

Ankhala atthu eeli-eeli. Awo ankuxa nikuni nimoca vamuro vaya (ntoko cinthoonyera ecampulo ela).

Ahaana otthara ephiro anthanleliwaaya, elo yohaana okhalana mikhoottiheryo sowaatta (okotoopa, matoro, wala minyukhu voowi aweleke nookhuruwa, ipanko soowi atupheke).



PHOOLE!

Nikhuni namorela vathi, atthu oweeli
ahaana weemela anipelelaka ntthu
nkina waakhaviherya ottota nikuni ni
waapweherya vamuru.

ANLOLA PANI?

Anlola atthu eeli antthuna ophiya
omwiikaanooni ni antthuna waakhavi-
herya atthu owaatta!.



Este livro destina-se a fomentar nos alunos o gosto pela leitura.
Finaciado por: CODE, ACDI, NORAD, OXFAM NOVIB